

**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Quartum

**González Téllez, Emanuel
Francofurti Ad Moenum, 1690**

Caput V. Idem. (a) Eborac. Archiepiscopo.

[urn:nbn:de:hbz:466:1-74533](#)

C A P U T I V.

Alex. III. (a) *Herfordiensi Episcopo.*

Litteras tuæ fraternitatis recepimus, ex quarum tenore perpendimus, quod quidam parochianus tuus A. nomine, cum esset perfectæ ætatis, quandam puellam in (b) cunabulis desponsavit: procedente vero tempore idem A. matrem puellæ cognovit, & eam in uxorem accepit. Unde quia dubitas, an hujusmodi matrimonium stare debeat, a nobis exinde consilium postulasti: super quo fraternati tua taliter duximus respondendum, quod si præfatus vir matrem præfaræ puellæ, antequam puella ipsa septimum annum complevisset, in uxorem accepit, matrimonium ipsum non dissolvas, sed eundem virum præfata mulierem, sicut uxorem, liberè tenere permittas, cum hujusmodi desponsationes nullæ sint que in cunabulis sunt. Verum si postquam præfata puella septimum annum complevit, predictus vir matrem in uxorem accepit, cum sponsalia ex tunc placere consuerint, inter eos sententiam (c) divorii non differas promulgare, nec ipsum, seu filiam, seu matrem uxorem habere permittas.

N O T A E.

1. (a) **H**erfordiensi.] Ita etiam legitur in 1. collect. sub hoc ist. cap. 5. & post Concil. Lateran. p. 12. cap. 2. De hac diceccsi egi in cap. 2. (c) *Devotio.*] Propter impedimentum publicæ honestatis nullum fuerat conjugium, ut probavi in cap. 3. de sponsibus.
2. (b) **Cunabulis.**] Cunabula enim sunt infan-

tia panni, quos solos mortui secum referunt, quasi retroacti ad diem natalem, & incuntem ætatem, ut ex D. Hieronymo & Arnobio probat Cujac. in present.

C A P U T V.

Idem. (a) *Eborac. Archiepiscopo.*

Accepsit ad præsentiam nostram nobilis vir Vv. filius G. cum litteris tuis, ex quorum tenore perpendimus, quod cum filiam cuiusdam nobilis viri, dum esset minoris ætatis, desponsasset, postmodum ipsa assensum in hac parte non præbente, antequam ad nubiles annos pervenisset, celebratum est inter eos divorium: procedente vero tempore, defuncto patre puellæ matrem ejus Vv. sibi matrimonio copulavit; quod quidem factum cum sustinere nolles, eum sollicitè monuisti, ut ipsam dimitteret: & quia monitis tuis in hac parte noluit acquiescere, ipsum excommunicationis vinculo innodasti; tamen accepta ab eo cautione, quod nostram adiret præsentiam, & super hoc statutum nostrum firmiter observaret, eundem mandato nostro absolutum denuntiasti, & cum litteris tuis ad præsentiam nostram misisti. Verum præfatus Vv. in nostra præsentia constitutus, suâ nobis assertione proposuit, quod puella ipsam dum esset infra septimum annum desponsavit, postea antequam ad nubiles annos pervenisset, noluit aliquatenus consentire, ut præfatum Vv. in virum acciperet, & ita cum patre suo, in cuius potestate remanserat, & cum præfato Vv. ad præsentiam tuam accessit; & cum ab ore puellæ audisses, & per eam cognosceres, & per patrem ejus, quod memoratum Vv. in virum nolebat, starim illum in plena Synodo ab hujusmodi desponsatione publicè absolutum denuniasi. Elapsis vero pluribus annis post, mortuo patre puellæ, charissimus in Christo filius noster H. Anglorum Rex matrem supradictæ memorato Vv. tradidit in uxorem, quam idem Vv. ut discordia orta inter consanguineos suos, & consanguineos mulieris sopiretur, accepit, & solenniter desponsavit, & etiam sine contradictione Ecclesiæ duxit, & ex ea liberos procreavit, & puella fuit alteri viro copulata. Unde licet continetur in litteris tuis, quod ipsa puella erat ætatis minoris, quando hujusmodi desponsatio facta fuit; tamen refert, utrum esset minoris ætatis proximæ ætati aptæ matrimonio, aut infra septem annos. Ideoq; f. t. p. A. f. m. quat. rei veritate inquisitiæ diligenter, & cognitâ, si tibi confiterit, quod præfata non esset septennis quando præmemorato Vv. desponsata fuit, & postea in eum non consenserit; & quod idem Vv. ab hujusmodi desponsatione per te

te fuerit (c) absolutus, matrimonium inter eundem Vv. & matrem puellæ celebratum præcipias inviolabiliter observari, & corundem proles denunties esse legitimas, quia sicut discretio tua non ignorat, desponsationes, & matrimonia ante septimum annum fieri non possunt, præsertim si consensus postea non interveget. Sanè si præfata puella ante desponsationem septimum annum compleverit, licet prædictus vir à desponsatione illius puellæ ipso jure fuerit absolutus, cum ea in eum consentire nollet; in honestum tamen videtur, ut matrem ejus habeat, cuius filia sibi fuerat desponsata. Verum si tibi visum fuerit, ut cum matre puellæ remaneat, ne discordia inter utriusque consanguineos olim exorta, nunc autem sopita, denud suscitetur, id dissimilare poteris, & æquanimiter tolerare. Filii autem, quos de ipsa suscepit, si eam tolerante Ecclesia in uxorem duxit, à successione paternæ, vel maternæ hæreditatis prohiberi non possunt.

N O T A E.

(a) *Eboracensi.*] Ita etiam legitur in i. collect. sub hoc tit. cap. 6. & post Concil. Lateran. p. 6. cap. 7. de Eboracensi Anglia Metropoli nonnulla adduxi in cap. 4. de re scriptis.

(b) *H.*] Henricus videlicet secundus Rex Angliae, de quo plura Richardus Smiteus in floribus Ecclesiæ Anglicane, & nos adduximus in cap. non est, de sponsalibus. De authoritate Principis fæcularis in nuptiis valallorum agemus in cap. 3. qui clericis vel non.

(c) *Fuerit absolutus.*] Id est absolutus declaratus, ut ante Pontifex dixerat: & in cap. 2. de jurejur. Glossa non malè, *absolutus*, interpretatur, *absolutum declaramus*: & in l. scit. vers. sed si queritur, ff. si servitus vindic. per sententiam judicis servitus non constituitur, sed quæ jam est constituta, declaratur: notarunt Cujac. hic, Bajo Arroyo in cap. Quintavallis, num. 74. de jurejur.

C O M M E N T A R I U M.

I. Conclusio
madratur
et probatur.
In his duabus Alexandri Decretalibus una eademque proponitur species, & simul una refertur decisio; quare ex utroque textu sequens adducitur assertio: Sponsalia inter infantes contracta, vel à majori cum infante, pro infectis habentur, adeo ut nec publica honestatis impedimentum producam. Probatum est textus in cap. unico 30. q. 2. cap. continetur 6. cap. de illis, cap. à nobis 8. cap. ad dissolvendum, hoc titul. cap. i. eod. titul. in 6. cap. i. de sponsal. eodem libro. l. in sponsalibus 14. ff. de spons. Novel. Leonis 109. Novel. Xiphilini apud Harmenopulum lib. 4. promulgatur, tit. 6. § 29. Carnotensis epistol. 99. & 243. l. fin. tit. 1. partit. 4. Illustrant ultra congetos à Barbosa in praesenti, Cujac. hic, P. Greg. lib. 9. syntagma. cap. 7. & lib. 3. partit. tit. 21. cap. 4. Sanchez lib. 1. de matrim. dis. 16. Gutierrez eod. tract. cap. 2. Basilius eod. tract. lib. 1. cap. 65. num. 1. Fachineus lib. 3. contro. cap. 26. Germanius lib. 2. animad. cap. 2. Olvaldus lib. 7. comment. cap. 9. Donelli, lit. S. Constantinus de sponsal. fol. 19. Cujac. lib. 4. different. Modest. in d. l. in sponsalibus. Alberic. Gentil. lib. 5. de nuptiis. cap. 1. Egidius Bossius tom. 1. oper. moral. titul. 2. §. 13. Cujac. ad titulum C. de spons. Narbona ann. 7. quest. 19. & 20. Brissonius de ritu nupt. fol. 153. Medrano de consens. connub. cap. 7. num. 2. Franciscus de jure connub. cap. 2. sect. 2. Hurtado de matrim. dis. 1. difficult. 4. Diana p. 1. tract. 4. resol. 22.

Sed pro dubitandi ratione in præsentem assertione ita insurgo: Pupilli contrahere non pos-

sunt, nec negotium aliquod sine tutoris authoritate gerere, l. pupillus, ff. de obl. & act. l. in nego-

tate.

tiis, l. pupillum, ff. de reg. jur. ergo neque ex sponsalibus, etiæ infantia maiores sint, obligari poterunt. Accedit, nam si ætas septem annorum ad sponsalia contrahenda desideratur, quia in ea liber consensus adest, etiam in infantia consensus datur; siquidem possessio, quæ sine consensu non acquiritur, Decius in l. 13. ff. de reg. jur. à septennio minore acquiritur, l. 3. C. de adquir. poss. & illum intellectum habere docet Seneca lib. 7. controversialib.: *Nihil puero teste latius, utique quinqueannum; nam ad eos pervenit annos, ut intelligat, & nondum ad eos, quibus singat.* Ergo si ætas septem annorum præscripta est ad sponsalia ob consensum in ea intercedentem, etiam ante ipsam atatem ex eadem ratione possunt ea celebrari.

Quæ dubitandi ratione non obstante, vera est præfens assertio, pro cuius expositione sciendum est, Modestinum in d. l. in sponsalibus 14. ff. de spons. eam inter nuptias, & sponsalia nobilis agnoscere differentiam, quod in sponsalibus non sit definita ætas, ut in matrimonio: unde Paulus lib. 2. sentent. tit. 19. ait: *Sponsalia, tam inter puberes, quam inter impuberis contrahi posse.* Subiicit tamen Modestinus: *Quapropter à primordio etatis sponsalia contrahi possint, si modo id fieri utraque pars intelligat, id est, si non sint minores quam septem annis.* Quæ posteriora verba aperte pugnant cum prioribus, in quibus definitam non esse atatem sponsalibus Modestinus affirmavit. Ideoque suspecta sibi videri illa verba, & Triboniano adscribenda, putat Faber in Papin. tit. 22. princip. 6. illat. 8. cuius audaciam reprehendit Olvaldus lib. 7. comment. cap. 9. Quare pro ipsis textus solutione sunt qui existimant, Modestinum non pugnantia verba protulisse, sed tantum assertuisse, quod etiæ in sponsalibus certa ætas præfinita non sit, quia infans nescit quid loquatur, immo & evenire possit ut fari nequeat; ideo cum stipulari non possit, per consequens nec sponsalia contrahere, propter verba stipulationis in sponsalibus adhiberi solita, l. 2. ff. de spons. ideoque requiri etatem septem annorum. Sed hæc solutio ex eo displicet, quid supponit, ad valorem sponsaliorum stipulationem semper adhibendam; quod etiæ prisco jure Romanorum receptum esset, postea tamen novo jure institutum fuit, ut sine stipulatione celebrati valerent, & ideo ad ea constituenda nudum consensum sufficere, docetur in l. 4. l. sponsalia 11. ff. de spons. notant Duarenus in rubric. ff. soluto matrim. titul. de sponsal. Brissonius de ritu nupt. in princip. Quare, eà solutione omissa, & aliâ Germanii lib. 2. animad. adv.

adv. cap. 6. dicendum est cum Cujac. *ad titul. C.* de spons. Modestinum in d.l. in sponsal. vers. quapropter, non definire certam questionem, nec cum sua priore sententia pugnare; sed tantum exigere, ut sponsi intelligent quid agant; quod cum frequentius non contingat ante compleatum septimum annum, id est a contrario sensu inuit minoris septennio, id est infantes, l. 1. §. sufficit, ff. de administr. tut. l. si infanti 18. C. de jure delib. inutiliter sponsalia contrahere. Nec inde recte inferes, etatem septem annorum legibus praeinitiat esse sponsalibus; definit enim Modestinus, non perpetuum, sed ex eo, quod frequentius accidit, iuxta regulam legis, nam ad ea, ff. de legibus. Nam evenire potest, & quidem saxe sapius, ut septennio major adhuc pleno iudicio careat, quo casu sponsalia ab eo contrafacta non valent, & tamen in nuptiis semper etas a iure prescripta sufficit; quia post eam quilibet iudicium compos esse presumitur. Eamque differentiam inter sponsalia & nuptias doceri in d.l. in sponsalibus 14. notarunt post Accursum ibi, Sanchez de matrim. lib. 1. disp. 16. num. 3. Gutierrez eod. tract. cap. 2. num. 3.

4.
Malitia
quoad ea
supplet etat-
tem.

Ex inde inferatur, malitiam quoad sponsalia etatem supplere, & si contrahentes perfecti ingenii & judicii non sint, ita ut intelligent quid agant, posse sponsalia contrahere, argumento legis 3. C. si minor se major, docent Glossa verbo Dubia, & Cujac. in cap. 3. de spons. Covarr. 1. p. de matrim. cap. 2. num. 1. Sanchez d. disp. 16. num. 9. Gutierrez d. cap. 2. num. 10. Basili. eod. tract. lib. 12. cap. 5. licet contrarium teneant Hurtado de matrim. disp. 1. difficult. 4. Narbona de etate, anno 7. q. 1. Nec illis faver Modestina in d.l. in sponsalibus, ibi: Id est, si non sint minoris; quibus verbis significari videtur, ante illam etatem contrahentes non posse nec scire, nec intelligere: igitur nec sponsalia contrahere. Quo fundamento moti a superiori sententia etiam discesserunt Germonius lib. 2. animadv. cap. 6. Facheineus lib. 3. controvers. cap. 26. Nam respondeatur; verba illa referenda esse ad ea, que frequentius accidunt: saxe sapius enim infantes ante illam etatem perfectum iudicium, & rationis usum non habent, l. Fulcinus 7. §. plane. ff. ex quisibus causis in possess. Ceterum si prudentia supplet etatem, defectus legitimæ etatis non officit sponsalibus contrahendis. His etiam consequens est, ad contrahenda sponsalia latiss non esse infantes proximos esse septennio; sed si malitia etatem non supplet, totum tempus septennii compleatum desiderari, ut sponsalia consistant, docent Sanchez d. disp. 16. num. 4. Cujac. lib. 6. observ. cap. 16. Coninch. de sacrament. disp. 21. dub. 5. num. 51. Basilius d. cap. 5. num. 3. Hurtado dict. disp. 1. difficult. 4. quamvis contrarium teneat cum Rebello & Diana Narbona de etate, d. q. n. 6. Quæ sententia probatur, tum ex eo, quod voluntas, que in naturali consensu consistit, non solet dari nisi in eo, qui septennium complevit, l. si infanti 18. Cod. de jur. delib. tum etiam, nam cum praesens textus in cap. accessit, aperte prober septennii tempus debere esse compleatum, quod & docetur in cap. litteras, hoc tis. merito hoc calu assertimus, satis non esse annum esse inceptum; nam quoties verba legis ad annos consummatos referuntur, veluti si ita dicatur, Ceterum tot annorum fuerit, vel cum annos compleverit, vel exceferit; tunc tempus

completum esse oportet, nec sufficit incepsum, cap. subdiaconum 77. distinct. cap. cum in cunctis, in princip. de elect. l. si ita 41. vers. Inter, ff. de manumiss. testam. l. 2. in princip. ff. de excusat. tutor. l. Sejus 46. ad Trebel. l. non 48. ff. de condit. & demonstr. l. si cui 49. ff. de legat. l. ex his, C. quando dies legati: nisi ex aequitate, vel favore rei, de qua agitur, similia verba improprietat, ut in l. qui filium 74. §. 2. ff. ad Trebel. ubi verbum, provenierit, pro excesserit, accipendum esse, docet Connarus lib. 3. comment. cap. 12. num. 7. quamvis Merill. lib. 2. obser. cap. 21. existimet constitutionem, de qua in d.l. num. 47. contrariam esse rescripto, de quo in d.l. qui filium, §. 2. Ceterum si verba legis ad ingressum, vel solam existentiam anni dirigantur, veluti si ita dicatur, Ceterum fuerit in tali anno, vel, Attingerit tot annos, aut similia, sive lex prohibeat, ne quid ante certum tempus fiat, tunc latiss est annum esse inceptum, & in hoc sensu accipiendi sunt textus in Clement. Generali, de etate & qualit. cap. cim in cunctis, §. inferiora, de elect. cap. presbyter 78. distinct. Trident. sess. 23. de reform. cap. 12. l. ad Remp. 8. ff. de mulier. junctis traditis à Connano d. cap. 12. Roberto lib. 1. recept. sentent. cap. 2. & 3.

Nec huic doctrinæ obstat textus in l. ultim. tit. 1. part. 4. ubi ad sponsalia contrahenda præ-Exponitur
finitur etas septem annorum, aut paulò minus, l. ultima,
ibi: Fuerit de etate de six annos, o poco menos; tit. 1. part.
quibus verbis aperte significatur, sufficere proximos esse septennio, licet totum tempus complectum non sit; quemadmodum in etate necessaria ad manumissionem procedit, l. 1. ff. de manumis. juncto Fabro in jurisprud. tit. 4. princip. 3. illat. 7. & in tempore ad usucapiōnēm necessario, l. in usucapiōnibus 6. ff. de usucap. l. penult. ff. de divers. & tempor. & in etate ad testamentum faciendum, l. à qua etate 5. ff. de testam. docet Costa in cap. si pater, verbo Defunctus, num. 1. & 2. de testam. ubi exponi textus in l. si frater, C. qui testamenta, §. masculo, In his, de pupil. quibus etiam non adducitis fundamentis, & rationibus ad sponsalia contrahenda sufficere infantes proximos esse septennio, docuerunt innumeris, quos refert, & sequitur Gutierrez de matrim. d. cap. 2. num. 7. & 8. Sed adhuc non est discedendum a superiori sententia; nam eti annus non naturaliter ad momentum, id est ad horas, sed civiliter ad dies numeretur, l. anniculus 134. ff. de v. s. ita ut sufficiat supremum anni diem attingere, ut in d.l. 1. d.l. 16. attamen cum ex forma loquendi colligitur, etatem completam esse oportere, tunc nec sufficit ultimum diem esse coepit, sed desideratur ut sit completus, l. 3. §. minorem, ff. de minoribus, l. 3. ff. de iure immunit. Unde etas ad omittendam professionem Concilio Trident, prescripta sess. 25. de regul. cap. 15. de momento ad momentum computatur. Nec favet contraria sententia dicta lex partitæ; nam respondetur illa verba, o poco menos, accipienda esse de infante adeo prudente, ut malitia supplet etatem, nisi forte, quod magis probo, Alfonsus in eadem lege approbaverit contrariam sententiam, quam amplexi fuerunt tot DD. tam Theologi, quam Juristæ.

His suppositis ratio præsentis assertionis ex traditus
eo provenit; nam tam ad sponsalia, quam ad ratio de
nuptias dedit.

nuptias consensus in contrahentibus desideratur, l. 4. l. penult. ff. de spons. leg. nuptias, ff. de reg. jur. cap. cum locum, cap. tua 25. de spons. ubi probavi: quare ab sponsalibus celebrandis artentur persona, quarum consensus nullus est, cap. dilectus 14. de spons. cap. nec furiosus 32. quæst. 7. Cened. ad Decretal. collect. 148. in quo- rum numero sunt infantes, qui quod agunt, ignorant, d.l. in sponsalibus 14. sunt expertes ju- dicii & usus rationis, l. quamvis 32. §. infans, ff. de adquir. possess. l. si quis 26. C. de donar. & ideo à furioso parum distant, l. Fulcinius 7. §. plane, ff. ex quibus causis in possess. §. pupillus, Instit. de inutil. quare nullam rem agere dicuntur, seu ne- gotium gerere, l. in negotio, ff. de reg. jur. veluti stipulari, l. in princ. l. mulier 70. ff. de verb. obing. l. 2. ff. rem pupilli, & si stipularentur, vel promittant, nihil agunt, l. i. §. furiosus ff. de oblig. & act. nec delicta admississe credantur, velut homicidium, l. infans 12. ff. de siccariis, l. 5. §. sed si, ff. ad l. Aquil. nec furtum, l. impuberem 23. ff. de furtis, l. 2. & 3. ff. de conduct. furtiv. nec ingrati- tudinem admittere, leg. si quis 33. in fine, C. de in- officio. immò nec bonorum possessionem perte- re, l. 7. §. impubes, ff. de honor. possess. dicemus in cap. I. de delict. pueror. ideoque sponsalia con- trahere nequeunt: post completos autem se- ptē annos ea celebrare valent; nam cū le- ges ad ea, quæ frequentius, non quæ raro ac- cident, adaptentur, l. nam adeo, ff. de legisbus; & infantes post septēnum plenū consensum præsent, ideo post eam ætatem sponsalia ritè, & validè contrahere possunt; ante eam autem ætatem celebrata nulla sunt ex defectu con- sensus, adeò ut nec publicæ honestatis impedimen- tum producant, ex præsentī capite litteras, c. l. hoc titul. in 6. cap. I. de spons. cod. lib. nisi post legitimam ætatem rata habeantur, cap. duo 12. hoc titul. d. cap. I. boettulo, lib. 6. quia virtute ratihabitionis sustinentur, & convalescent, ut etiam procedit in matrimonio nulliter celebra- to, quod cessante impedimento convalescit, l. Proculus 67. ff. de jure dorium.

Nec obstat dubitandi ratio suprà expensa, in qua dicebamus, pupillum quidquam sine tu- toris au&ritate gerere non posse; id enim us- queaque verum non est, quare qui septimum annum excesserunt, cū intellectum habent, sibi naturaliter & civiliter obligant alios, §. pu- pillus, Instit. de inutilibus stipul. l. Julianus, §. pe- nult. ff. de actionibus empi, & ipsi aliis naturali- ter interdum obligant, l. i. ff. de novat. am- plius, & civiliter; cū obligatio nascatur vel ex re, vel ex delicto, l. furiosus, ff. de oblig. & act. cap. I. de delictis puerorum: proinde cū dis- sentire & consentire possint, merito eis sponsa- lia contrahere permittitur, l. potuit, junctal. si in- fanti, C. de juri. delib. præcipue cū post per- fectam ætatem recti judicii capaces detrectare matrimonium possint, & sponsalia ab eis cele- brata ex utroque iure sustineantur. Nec obstat augmentum ipsius difficultatis, nam verum est, infantem posse acquirere possessionem, quia ad eam acquirendam affectus tantum desideratur,

non consensus; majorē autem in tellectum de- sideramus in sponsalibus, propter negotii gra- vitatem; & quia de futuris constituere, quod sit in sponsalibus, futurarum nuptiarum repro- missionibus, res est majoris consilii. Nec etiam obstat Seneca authoritas, nam apud cum pro quinquenniis, legendum esse quindeniis, jam pro- bavit Gentilis de nupt. lib. 5. cap. 1.

Suprà traditis obstat textus in l. sape 17. ff. de spons. ubi docetur, sèpe evenire, ut justa, ac Expeditur necessariae causæ trahant, sive producant sponsalia, non solum anno, vel biennio, sed etiam triennio: ex quo textu expresse deducitur, sponsalia debere celebrari in ea ætate, ut saltē in- tra biennium matrimonium celebrari possit: ergo ætas septē annorum non est sufficiens ad sponsalia celebranda. Pro cuius textus exposi- tione sciendū est, lege Jul. & Pap. ab Augu- sto lata maritis præmia constituta fuisse, ut ita ad matrimonia frequentanda provocarentur;

quæ de causa, cū nonnulli puellas immaturas desponderent, ex quibus liberos suscipere non poterant, eveniebat, ut interim præmis maritorum fruarentur: cui fraudi ut Augustus viam præcluderet, tempus habendi sponsas coarcta- vit, ut author est Suetonius in Augusto, cap. 34. quod tempus fuisse decem annorum, scribit Dion. lib. 54. ex quo, & Zonara tom. 2. ita re- stituit caput 3. ipsius legis Juliae Jacobus Go- thofredus in quatuor fontibus, pag. 174. ibi: Qui- cumque sponsam habebit ultra biennium, sponsam eam ne habeo; qui ultra biennium habuerit, mari- torum præmis ne fruor: decenni minorēm spon- sam ne habeo. Exemis item à morte viri, bienniū: à repudio, anni & sex mensium vacatio est. Quò per- tinent textus in l. 13. ff. de probat. l. 4. Cod. The- dosi. de spons. unde interpolata est lex 2. Codicis Justin. eod. titul. ut sic intra biennium legitimæ nuptiæ contrahi possent, ac proinde minores natu decem annorum frustra sponsa haberentur, quod præmia legis Jul. & Pap. notarunt Hothomanus de sponsal. cap. 2. Germonius lib. 2. aximadeo. cap. 6. & ad hoc legis Jul. & Pap. ca- put respexisse Gajum indicat. l. sape, observarunt Brissonius de ritu nupt. pag. 153. Balduinus ad l. Jul. & Pap. pag. 74. Cujac. lib. 16. obser. c. 35. expeditiū lib. 4. different. Modestinus in d. l. in sponsalibus 14. ff. de spons. et si paulò obscurius in recit. ad titulum C. de spons. Prædicto ergo capite legis Juliae non fuit definita ætas ad sponsalia generaliter, & in communi, sed dumta- sat quoad præmia, pœnasque legis Jul. & Pap. quibus frui, vel excusari eos voluit Augustus, qui sibi despontabant puellam minorem decen- nio, cum qua esse nuptiæ post biennium non po- terant; ne scilicet fraus legis fieret, dum spon- si pro maritis haberi volebant. Ceterū extra causam legis Juliae & Pap. utiliter contrahunt sponsalia etiam cum puella nondum decenni, dummodo septē annos habeat, juxta suprà tra- dita. Prosequitur ipsius textus interpretationem Illustrissimus præceptor D. Francis. Ramos ad ll. Jul. & Pap. c. 1. de ætate spons. & nos ex ipso infra in cap. fin. de secundis nuptiis. c. de illis 5. de sponsal.